



7. marts 2007

Inatsisartut Suleriaasissaanni § 36-imi imm. 1 naapertorlugu Naalakkersuisunut imaattumik apeqquteqarpunga:

Namminersornerullutik Oqartussat inissianik teknikkeqarneq aningaasaqarnerlu aallaavigalugit akissai aalajangersarlugit tunisaqartarnerat pillugu Naalakkersuisunut apeqqut.
(Inatsisartunut ilaasortaq Palle Christiansen, Demokraatit)

Tunngavilersuut:

AG-mi allaaserisat arlaqartut ersersippaat Namminersornerullutik Oqartussat inissianik arlaqartunik siornatigut Naalakkersuisunut ilaasortaasimasunut pisortaasimasunullu tunisaqartartut tunineqarnissaanni akissaat ataatingaarlugu. Naak Inatsisartut Aningaasaqarnermut Ataatsimiititaliaannit erseqqissumik paatsuugassaannngitsumillu kaammattuutigineqarsimagaluartoq suleriaatsip tamatuma iluatsinngitsumik naleqqutinngitsumillu atorneqarnera unitsinneqassasoq.

Inatsisartut Aningaasaqarnermut Ataatsimiititaliaata 21. maj 2004-mi ataatsimiinneranit atortussanit kikkunnulluunniit pissarsiarineqarsinnaasunit issuaallunga aallartiinnarlanga:

”Ataatsimiititaliap tulluullugu inissianik tunisaqartarneq pillugu suliassaq Ineqarnermut Attaveqarnermullu Naalakkersuisup Ataatsimiititaliap siullermik allagaanut 17. maj 2004-meersunut akissutaa tunngavigalugu eqqartorpa.

Ataatsimiititaliap paasivaa imaannguatsiartoq suliassaq inatsiseqarnikkut oqaaseqaatissartitsinngitsoq. Taamaattorli Ataatsimiititaliap isumaqarpoq ilaqutariinnut ataatsinut illunik pilerinartunik akigitinneqartut ataatingaarlugit tunisaqartarneq politikkikkut ileqqorissaarnikkullu assorsuaq akueriuminaatsuusoq, taamaattumillu periaaseq tamanna sapinngisamik piaarnerpaamik unitsinneqartariaqarluni, tassa Ataatsimiititaliap isumaqanngimmat maannamut periaasiusoq peqqussut eqqarsaatigalugu politikkikkut anguniakkanut naleqquttusoq.

Ataatsimiititaliami isumaqatigiissutigineqarpoq Naalakkersuisut kaammattorneqassasut ilaqutariinnut illunik oqilisaassilluni atugassarititigut tuniniaasarneq maannakkorluinnaq unitsinneqassasoq kiisalu suliassaqarfimmi tassani sapinngisamik piaarnerpaamik peqqussummi allannguutisatut siunnersuutit saqqummiunneqassasut. Qulakkeerneqassaaq Namminersornerullutik Oqartussat illuutaasa namminersortunit tiguneqarnissaat tunisinermi akigitinneqartut eqqortut kiisalu ammasumik niuorneq nalinginnaasoq aqqutigalugu pisassasoq.”

Aammattaaq Inatsisartut Aningaasaqarnermut Ataatsimiititaliaanni siulittaasup allagaasa tigulaariffiginerat imaattoq innersuullara. Allakkat 21. maj 2004-mi nassiunneqarsimapput:

”Aningaasaqarnermut Ataatsimiititaliap allakkatigut 11. majimeersutigut Naalakkersuisunut ilaasortamut apeqquteqarpoq, tassami Ataatsimiititaliap pisortanut inissianit immikkoortinneqartunit piimasaqaatit immikkut ittut atorlugit inissianik tuniniaasoqarsimasoq nalunngimmagu.

Aningaasaqarnermut Ataatsimiititaliap Ineqarnermut Attaveqarnermullu Naalakkersuisup akissutaa 17.5.2004-meersoq tusaatissatut tiguua, isumaqaranili anguniagaasoq ilaqutariinnut ataatsinut illut niuernikkut akigitinneqartunit akikinnerusunngorlugit tunineqarsinnaasut. Nalunangilaq inis-



siat attartortittakkat ataatsimoortut teknikkikkut- aningaasaqarnikkullu naliliinissamik pisariaqar-titsimmata. Ilaqutariinnulli ataasiakkaanut illut pineqarpata pissusissamisuuksaaq niuernikkut aki-gitinneqartut atorlugit tuniniarneqassappata inissianik naliliisartumit akigitinneqartumut naaper-tuuttumik.

Suleriaaseq taamaattoq aammattaaq Missingersuusiordermi malittarisassani 2002-mi, imm. 12.5-imi Pigisanik aalaakkaasunik tunisinermi, allassimasunut naapertuutissaaq. Taakkunani allassima-voq pigisanik aalaakkaasunik tunisinermi tamatigut Namminersornerullutik Oqartussat sapinngi-samik pitsaanerpaamik iluanaaruteqarnissaat qulakkeerneqartassasoq.

Aningaasaqarnermut Ataatsimiititaliap taamaattumik Naalakkersuisut peqqussutip allanngortin-niarnissaanik kaammattussavai taamaalilluni ilaqutariinnut ataasiakkaanut illuni atorfimmuut ata-sumik inissiat attartortumiit piginnittumut aaqqissuussinermi ilanngunneqassanatik. Naalakkersui-sut siunnersuutissatut kissaatigineqartup UKA 2004-mi saqqummiunneqarnissaanik qinnuigine-qassapput taamaalilluni siunissami Namminersornerullutik Oqartussat pigisaat nalillit niuernermi akigitinneqartut ataallugit tunineqartarunnaassallutik.

Allannguutissat taakkua naammassineqarnissaasa tungaannut Naalakkersuisut inissianik allanik maannakkut atugassarititaasut atorlugit tunisinaveersaaqqullugit qinnuigineqassapput.”

Qulaani allassimasut taamaattumik ataani allassimasunik apequtissaqalersippaanga:

1. Ilaqutariinnut ataasiakkaanut illut Namminersornerullutik Oqartussat ataatsimut isigalugu aqutsisutut sulisunut assigisaannullu tunisaat nalunaarsorneqassasut qinnutigineqassaaq. Inissiat sumiiffiat, kvm-it annertussusiat, kiisalu illuutit tunisaqarnerup nalaani aserfallatsaa-lineqarnermikkut qanoq issusiat immersugassatut ilusilerlugu allallugu?
2. Naalakkersuisut aammattaaq qinnuigineqarput inissianut ataasiakkaanut tamanut teknikki-aningaasaqarneq tunngavigalugu akigitinneqartoq nalunaaqullugu kiisalu inunnut **atorfiit eqqarsaatigalugit immikkoortunut** sorlernut inissiaq tunineqarnersoq – tamatumani soo-runami inuit inuttut innimigisassaanerat eqqarsaatigalugu. Aammattaaq Naalakkersuisut qinnuigineqarput oqaatigeqqullugu inissiap sumi inissisimanera eqqarsaatigalugu tamanna alianaassutsimut tunngatinneqarsinnaanersooq teknikki-aningaasaqarneq tunngavigalugu tu-nisaqarnermi piviusunngortinneqarsimanngitsoq?
3. Iluanaarutissatut naatsorsuutigineqartut sorliit ilaqutariinnut illuni ataasiakkaani eqqarsaa-tigiinnarlugu Nunatta Karsianut iluanaarutaassagaluarpat taakkua kikkunnulluunniit tamanut tuniniarneqartuugaluarpata. Naalakkersuisut taamatut naliliinissaminni qinnuigineqarput akit qaffarsissusissaat nunatsinni inissianik naliliisartut inissianut naleqqiunneqarsinnaasunut aa-lajangigaat malillugit nalileeqqullugit, tamatumani sumi inissisimanerat eqqarsaatigalugu, tassunga ilanngullugu pingaartumik inissiap aserfallatsaalineqarnermigut qanoq issusia kiisalu taakkua kvm-iisa annertussusiat.
4. Naalakkersuisut ilaqutariinnut ataatsinut illumik tunisaqarnerminnut atatillugu misiliisima-nerlutik taassuma niuernikkut akit malillugit akissaa inissianik nalilersuisartumit nalilertil-lugu? Naamiuppat nalunaarutigeqquneqarpoq Naalakkersuisut politikikkut aningaasaqar-



nikkullu pitsaaqutitut suut isigineraat, paasissutissanik taakkuninnga ilassutaasunik nas-suiaataasunik pigisaqanngikkunik?

5. Naalackersuisut qinnuigineqarput sukumiisumik periaasissanik aammalu politikkikkut aningaasaqarnikkullu isumaliutersuutinik tunnngaviusussatut isumaqarfigineqartunik nassuiaasioqullugit, naak taamanikkut Aningaasaqarnermut Ataatsimiititaliaq paatsoorneqarsinnaanngitsumik nalunaaruteqaraluartoq, ilaqutariinnut ataasiakkaanut illunik niuernermi akigitinneqartut ataallugit akeqartitsiuarnerminni periaaseqarnerminnut. Aappiuppat, taamatut aalajangernermi suut immikkut iluaqutissiorneqarsimappat?
6. Naalackersuisut allaaserisami "Namminersornerusuni qullersat illunik tuniniaasut" AG-mi 1. marts 2007-imeersumi qupp. 7 aallaavigalugu oqariartaatsit "ingerlaavartumik aserfallat-saaliinerup" "iluarsaassinertut" akornanni assiigiinngissummik nassuiaqullugit. Allaaserisami inissiaq tunineqannginnermini qalialerneqartoq allaaserineqarpoq aammalu pitsanngorsaaneq tamanna Naalackersuisunit "ingerlaavartumik aserfallatsaaliinertut" isigineqartoq. Nutaamik qalialiineq aallaaviatigut iluarsaassinertut nassuiarneqarsinnaanngippat Naalackersuisut ikinngutinnersumik qinnuigissavakka uannut Inatsisartunullu oqariartaatsit taakkua misissornerat immikkoortinnerallu pillugit paasissutissiineq isumageqqullugu nas-siuteqqullugulu?
7. Naalackersuisut isumaqarpat tamanna pisortat aningaasaataannut eqqortumik peqqissaartumillu aqutsinermut kiisalu Bonus Pater-imik oqariartaatsimut tunnngavittut eqqarsaatigineqartumut naleqqunersoq, tassa Tuapannguani inissiaq tunineqartoq qalialerlugu, tassami pitsanngorsaaneq tamanna allaaserisami nalunaarutigineqartutut tuniniaanermut isumaqatigiissutit atsioreerneratigut pisimammat? Nalinginnaasumik ilisimatitsissutitut qinnutigineqarpoq oqaatigeqqullugu pitsanngorsaaneq tamanna pisortanut qanoq akeqarsimanersoq? Aammattaaq nalunaarutigeqquneqarpoq akiligassaq taanna eqqarsaatigiinnarlugu piginnit-tumit akilersinniarneqarnissasoq takorloorneqarsinnaanersoq?
8. 2004-p kingorna ilaqutariinnut ataasiakkaanut illunut tunineqartunut tamanut Naalackersuisut qinnuigineqarput inissianut ataasiakkaanut tamanut nalunaaqqullugit kvadratmeterit qas-siunersut, sumi inissisimanersut kiisalu qaammammut ineqarnermut akiliutit missingersuutaat. Naalackersuisut sanilliussassatut qinnuigineqarput nammineq pigalugu illu 105 kvm-iusoq 10-40-50-imik aaqqissuussinikkut aningaasalerneqartoq pillugu paasissutissanik nas-siusseqqullugit. Aammattaaq INI-p inissiaataani attartortittakkami sisamanik initalimmi soorlu Qapiarfiusaamiittumi ineqarnermut akiliut nalunaarutigeqquneqarpoq?
9. Pisortat pigisaannik nalilinnik inunnut pissarissaarnerusunut ajornaquteqanngitsumillu namminneerlutik inissiatigut pilersorsinnaasunut niuernermi akigitat ataatingaarlugit tunisineq kalaallinut inuiaqatigiinnut naalackersuisooqatigiit anguniagaannut aalajangersi-ma-sumik pilersuinertut paasineqassava? Naalackersuisut isumaqarpat tamanna kalaallinut inuiaqatigiinnut aningaasaqarnermikkut imminnut napatinnerulerusuttunut, inunnut ataasiakkaanut immikkut toqqarneqartunut aammalu pissarissaareersunut naleqqiullugu immik-kut oqilisaanertut isigaat, taamaalillunilu kalaallini inuiaqatigiinni nalingiinninneq anneru-lersillugu? Naalackersuisut qinnuivigineqarput apeqqut una aappimik naaggamilluunniit akeqqunagu. Aperisup tamanna pillugu akissut nassuiarluagaq qinnutigissavaa.



10. Naalackersuisut siunissami politikkikkut anguniagaat tassaava Robin Hood-ip akерlianik eqqarsariartaaseq, innuttaasunut atugarissaartunut pisortat pigisaannik tuniniaaneq ingerlatiinnassallugu siuarsassalluguluunniit? Naalackersuisut innuttaasut akornanni ajunngitsorsiassat pingaartumik innuttaasunut akiliisinnaassuseqarluartunut agguataaqinnerat paasineqartoq tamanna pisariaqarsoraat?
11. Naalackersuisut inissianik aningaasaqarneq-teknikki malillugu akilersinneqartunik tuniniaanerminnut atatillugu Akileraartarnermi Pisorta qarfimit allakkiamik pissarsiniarsimappat, pisortat pigisaannik nalilinnik taakkua nalingisa tunineqarnerisalu akii ataallugit inuinnarnut tunniussinermut atatillugu akileraarutigut aporfiusinnaasunut nassuiaataasinnaasumik? Naamiuppat, Naalackersuisut pisariaqarsoraat aporfiusinnaasut tamakkua nassuiarneqassasut?
12. Naalackersuisut suliassami matumani soqutiginarsinnaasunik allanik nassuiaateqarsinnaappat? Matumani Naalackersuisut eqqaasissavakka § 36-imi apeqqutinut akissutit ministerit akisussaaffii pillugit inatsimmi ilaammata, taamaattumillu suulluunniit nipangiutiinnarneqartussaanaatik aammalu paasissutissanik ilumoortuunngitsunik tunniussisoqassanani.

Apeqqutit tiguneranniit ullunik qulinik piffissalerlugit akeqquneqarput.